



অবিলম্বে প্রকাশের উদ্দেশ্যে: 3/16/2023

গভর্নর ক্যাথি হোকল

গভর্নর হোকল এবং ন্যাশনাল ওয়েদার সার্ভিস নিউ ইয়র্ক স্টেটে বন্যা সুরক্ষা সচেতনতা সপ্তাহ ঘোষণা করেছে

নিউ ইয়র্কবাসীকে বন্যার বিপদ এবং বন্যা সম্পর্কিত জরুরি পরিস্থিতির জন্য কিভাবে প্রস্তুতি নিতে হয় সে সম্পর্কে জানতে উৎসাহিত করা হয়

অংশীদারিত্ব 13 মার্চের সপ্তাহে নিউ ইয়র্কবাসীদের প্রশিক্ষিত করে

গভর্নর ক্যাথি হোকল আজ 2023 সালের 13 মার্চের সপ্তাহটিকে নিউ ইয়র্ক স্টেটে বন্যা সুরক্ষা সচেতনতা সপ্তাহ হিসাবে ঘোষণা করেছেন। ন্যাশনাল ওয়েদার সার্ভিস (National Weather Service)-এর সাথে অংশীদারিত্বে পরিচালিত বার্ষিক প্রচারাভিযান, নিউ ইয়র্কবাসীদের বন্যার বিপদ এবং বন্যার সাথে জড়িত যেকোনো জরুরি অবস্থার জন্য কীভাবে প্রস্তুতি নিতে হয় সে সম্পর্কে প্রশিক্ষিত করে। নিউ ইয়র্ক স্টেট ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেস (New York State Division of Homeland Security and Emergency Services) স্থানীয়, স্টেট এবং ফেডারেল অংশীদারদের সাথে বন্যা সংক্রান্ত সমস্যাগুলোর সমাধান করার জন্য বছরব্যাপী কাজ করে, যার মধ্যে রয়েছে অতীতের ঘটনাগুলো থেকে পুনরুদ্ধার করা, প্রথম প্রতিক্রিয়াকারীদের প্রশিক্ষণ দেওয়া এবং ঝুঁকিসমূহ বোঝার জন্য এবং বন্যার সময় কী পদক্ষেপ নেওয়া উচিত তা জানার জন্য প্রতিদিন নিউ ইয়র্কবাসীদের প্রস্তুত করা।

"বন্যা হলো নিউ ইয়র্কবাসীর মুখোমুখি হওয়া আবহাওয়া-সম্পর্কিত শীর্ষ হুমকি এবং বন্যা নিরাপত্তা সচেতনতা সপ্তাহ হলো বন্যা ঘটার আগে, বন্যার সময় এবং বন্যার পরে কী করা উচিত তা শেখার একটি দুর্দান্ত সুযোগ," **গভর্নর হোকল বলেন।** "নিউ ইয়র্ক স্টেট গ্রেট লেক, সেন্ট লরেন্স সীওয়ে, হাডসন এবং মোহাক রিভার, ফিঙ্গার লেকস, উপকূলীয় অঞ্চল এবং অগণিত নদী, হ্রদ এবং খাল সহ অসংখ্য জলাশয়ের আবাসস্থল -- অধিকতর কারণ যেজন্য নিউ ইয়র্কবাসীদের বন্যার বিপদ বুঝতে এবং কীভাবে সর্বোত্তম প্রস্তুতি নিতে হয় সেটি জানতে হয়।"

জলবায়ু পরিবর্তনের কারণে নিউ ইয়র্ক স্টেট এবং দেশের বাকি অংশে বন্যার ঝুঁকি বাড়ছে। উষ্ণায়ন বায়ুমণ্ডলীয় আবহাওয়াকে বিভিন্ন উপায়ে প্রভাবিত করে, যার মধ্যে রয়েছে ভারী বৃষ্টিপাত, গ্রীষ্মমণ্ডলীয় ঝড় এবং ঘনঘন হারিকেন সংঘটিত হওয়া এবং সমুদ্রের তাপমাত্রা বৃদ্ধি এবং বরফের খণ্ড গলে যাওয়ার কারণে সমুদ্রস্তর বৃদ্ধি পাওয়া। মার্কিন যুক্তরাষ্ট্র জুড়ে, বন্যার কারণে বিলিয়ন ডলার ক্ষতি হয় এবং প্রতি বছর এটি প্রায় 100 জনের মৃত্যুর জন্য দায়ী। গভর্নর

হোকল DHSES এবং NWS-এ যোগ দিচ্ছেন যেখানে সকল নিউ ইয়র্কবাসীকে বন্যার সাথে সম্পর্কিত হুমকিসমূহ সম্পর্কে জানতে এবং পরিবারবর্গ ব্যবসা প্রতিষ্ঠান এবং কমিউনিটিকে বন্যা এবং অন্যান্য জরুরি অবস্থা থেকে রক্ষা করার জন্য তারা এখন কী পদক্ষেপ নিতে পারে তা জানতে অনুরোধ করছেন।

ন্যাশনাল ওয়েদার সার্ভিস-এর পরিচালক কেন গ্রাহাম বলেছেন, "বন্যা কতটা ধ্বংসাত্মক এবং মারাত্মক হতে পারে তা আমি সরেজমিনে দেখেছি। আপনি গাড়ি চালানো অবস্থায় থাকেন বা হাঁটতে হাঁটতে যদি বন্যার রাস্তায় এসে পড়েন তাহলে ফিরে আসুন, নাহলে ডুবে যাবেন!"

নিউ ইয়র্ক স্টেট ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেস-এর কমিশনার জ্যাকি ব্রে বলেছেন, "গত কয়েক বছরে, নিউ ইয়র্ক স্টেট জুড়ে বন্যার বিধ্বংসী প্রভাব দেখা গেছে। আপনার ঝুঁকি বুঝতে এই বন্যা নিরাপত্তা সচেতনতা সপ্তাহে কিছু সময় দিন। আপনি বন্যাপ্রবণ এলাকায় বাস করেন কিনা তা খুঁজে বের করুন এবং বন্যা শুরু হওয়ার আগে এটি প্রতিরোধ করার পদক্ষেপগুলো শিখুন। বন্যার জরুরি পরিস্থিতির জন্য প্রস্তুতির জন্য, নিউ ইয়র্কবাসীদের উচিত একটি জরুরি সরবরাহ কিট তৈরি করা এবং বন্যার সম্মুখীন হলে তাদের পরিবার এবং প্রিয়জনদের জন্য একটি পরিকল্পনা তৈরি করা।"

যেহেতু বন্যা সামান্য সতর্কতা সহ এবং বিভিন্ন উপায়ে ক্ষতি এবং আঘাতের কারণ হতে পারে, যার মধ্যে রয়েছে বিদ্যুৎ বিভ্রাট, পরিবহন এবং ট্রানজিট সিস্টেমে ব্যাঘাত, ভবনের ক্ষতি এবং বিপর্যয়মূলক ভূমিধস, তাই সমস্ত নিউ ইয়র্কবাসীর জন্য বিপদের তীব্রতা বোঝার ক্ষেত্রে বন্যার ঝুঁকি এবং বন্যার জরুরি পরিস্থিতিতে নিরাপদ থাকার জন্য ব্যক্তি এবং পরিবারবর্গ কী করতে পারে তা বোঝা গুরুত্বপূর্ণ।

গভর্নর হোকল এবং কমিশনার ব্রে লোকজনকে বিনামূল্যে জরুরি সতর্কতা যেমন আবহাওয়া সতর্কতা, রাস্তা বন্ধ এবং অন্যান্য জরুরি তথ্যের জন্য <https://alert.ny.gov> এ সাইন আপ করতে উৎসাহিত করেছেন।

নিরাপদ থাকার জন্য নিউ ইয়র্কবাসী বন্যার আগে এবং বন্যা চলাকালীন সময়ে কী কী পদক্ষেপ নিতে পারে তা নিচে দেওয়া হলো:

- আপনার এলাকার বন্যার ঝুঁকি সম্পর্কে জানুন - FEMA-এর [বন্যা মানচিত্র পরিষেবা কেন্দ্রে যান](#)।
- বন্যার জন্য পরিকল্পনা করতে দেরি করবেন না! একটি বন্যা সম্পর্কিত জরুরি অবস্থা আপনার সাথে কখনো নাও ঘটতে পারে কিন্তু, যদি এটি ঘটে যায়, তাহলে একটু আগাম প্রস্তুতি আপনার জীবন এবং অন্যদের জীবন বাঁচাতে পারে।
- আপনি যদি বন্যাপ্রবণ এলাকায় থাকেন তাহলে আপনার জিনিসপত্র এবং মূল্যবান জিনিসপত্র নথিভুক্ত করুন। গুরুত্বপূর্ণ কাগজপত্র পানিরোধী পাত্রে রাখুন। গুরুত্বপূর্ণ নথি, ছবি এবং অন্যান্য আইটেমের ডিজিটাল, পাসওয়ার্ড-সুরক্ষিত কপি তৈরি করুন।
- [জাতীয় বন্যা বীমা কর্মসূচি \(National Flood Insurance Program, NFIP\)](#) -এর অধীনে বন্যা বীমা কভারেজ গ্রহণ করুন। বাড়ির মালিকের নীতিমালার মধ্যে বন্যা অন্তর্ভুক্ত নয়।

- জরুরি বিভাগের কর্মকর্তাদের মাধ্যমে আপনাকে যদি স্থানান্তরের মতো তাৎক্ষণিক ব্যবস্থা নেওয়ার পরামর্শ দেওয়া হয়, তাহলে অপেক্ষা করবেন না - অবিলম্বে সকল আদেশ অনুসরণ করুন।
- বন্যার সময় ভ্রমণ অত্যন্ত বিপজ্জনক হতে পারে। এক ফুট গভীরতার প্রবাহমান পানি একটি যানবাহনকে ধুয়ে/ভাসিয়ে নিয়ে যেতে পারে। বন্যার পানির মধ্যে দিয়ে কখনোই হাঁটবেন না, সাঁতার কাটবেন না বা গাড়ি চালাবেন না। আপনার যদি সন্দেহ থাকে তাহলে মনে রাখবেন: “ঘুরে যান, ডুবে যাবেন না!”
- যেখানে বাস করা হয় এবং কাজ করা হয় সেই জায়গা বন্যার জরুরি অবস্থার জন্য প্রস্তুত কিনা তা নির্ধারণ করার জন্য যাদের অ্যাক্সেস এবং কার্যকরী প্রয়োজন রয়েছে তাদের ব্যাপারে বিবেচনা করুন।
- একটি জরুরি পরিকল্পনা তৈরি করুন যাতে আপনার বাচ্চাদের এবং/অথবা আপনার পোষা প্রাণীদের ব্যাপারে বিবেচনা অন্তর্ভুক্ত থাকে।

DHSES থেকে আরো প্রস্তুতির তথ্য এবং নিরাপত্তা পরামর্শের জন্য, ভিজিট করুন dhSES.ny.gov/safety। ন্যাশনাল ওয়েদার সার্ভিস ওয়েবসাইটে আরো অন্তর্ভুক্ত রয়েছে [বন্যা নিরাপত্তা পরামর্শ](#) এবং [স্প্রিং নিরাপত্তা সংস্থানসমূহ](#)।

ডিভিশন অফ হোমল্যান্ড সিকিউরিটি অ্যান্ড ইমার্জেন্সি সার্ভিসেস সম্পর্কে
ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেস দুর্যোগ এবং অন্যান্য জরুরি পরিস্থিতি প্রতিরোধ, সুরক্ষা, প্রস্তুতি, প্রতিক্রিয়া, পুনরুদ্ধার এবং প্রশমিত করার জন্য নেতৃত্ব, সমন্বয় এবং সহায়তা প্রদান করে। আরো তথ্যের জন্য DHSES-কে [ফেসবুক](#), [টুইটার](#)-এ খুঁজুন বা ভিজিট করুন dhSES.ny.gov।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্ক্রাইব করুন](#)